

Date – 26/11/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. Vawiinah rampumah ram danpui Constitution Day hman a ni.
2. Ramchhung hmundang rualin 'Constitution Day - Samvidhan Diwas' chu vawiin khan Gauhati High Court, Aizawl Bench-ah hman a ni.
3. Mizorama loneituten thlai chi tha zawk supply turin MAHFED leh India rama thlai chi pechhuak thin, Bharatiya Beej Sahakari Samiti Ltd ten thawhhona tur thuthlung an ziak.
4. Prime Minister Narendra Modia chuan vawiin khan Safran Aircraft Engine Services India hmunpui chu Telangana-a Hyderabad-ah internet kaltlangin a hawng



CONSTITUTION DAY

Vawiinah rampumah ram danpui Constitution Day hman a ni a. Kuminah hian thupuiah “Hamara Samvidhan-Hamara Swabhimana”.kan danpui kan zahawmna tih chu hman a ni a. New Delhi-a Samvidhan Sadan Central Hall ah a lawmna pui ber hman a ni a. President Draupadi Murmu kaihhraina hnuaiiah Preamble chhiar chhuah a ni a. President Murmu-i chuan ram danpui chu ram nihna lantirtu pawimawh tak anih tu sawiin ram hmasawn zelna atana hmahruaitu anih thu a sawi a. Ramchhung mipuite beiseina phochhuaktu pawimawh tak anih thu a sawi baw ani.

(Byte)

Vawiin Constitution Day hmannaah hian Vice President C P Radhakrishnan, Prime Minister Narendra Modi, Lok Sabha Speaker Om Birla, Union Ministers leh Members of Parliament te an tel ang.



CONSTITUTION DAY

India ramin ama puala Danpui duan hman theih tura a pawmna ni pawimawh tak, 'Constitution Day - Samvidhan Diwas' lawmna chu India ram hmun dangte rualin vawiin khan Gauhati High Court, Aizawl Bench-ah hman a ni a. He hun hi Larsap Gen (Retd) Vijay Kumar Singh-an a telpui a ni.

He hunah hian thusawiin, Larsap chuan Mizoram chu India dan pui duh dan leh beisei ang a nun ze mawi tak bakah mi nawlpui intluk tlanna, in-zah tawmna leh inggaih pawimawhna lantirna hmun a ni, a ti a, India danpui chu chik tak leh uluk

taka siam a nih bakah India hma khaw thlir chung zela siam a ni a, India danpui chu khawvel ram dang tamtak aia kimchang leh huam zau a nih thu a sawi bawk.

Larsap chuan India danpui chu thu nung a nih thu leh hemi atan hian tunlai mil a her danglam zel a nih thu te, India danpui kengkawhtu Guwahati High Court chuan India hmar chhak a hnam hrang hrangte chu, an hnam bil serh leh sang zah sak tak chung a nem taka a enkawl thu te a sawi a, India danpui chu democracy a tak a chantirtu a nih bakah rorelna court chu danpui enkawltu leh humhalhtu a nih thu a sawi bawk.

Byte of Governor.....37 seconds.....

He hun a thusawitu dang Guwahati High Court Judge, Justice Marli Vankung chuan, dikna leh chanvo lam chauh hria a, India danpuiin a mawhphurhna a pek lam ngaihthah chu thil fel hlel tak a nih thu a sawi a. Mi tinin an chanvo leh dikna mai bakah, mawhphurhna Danpuiin a pekte zawm that a nih phawt chuan harsatna tam takte pumpelth theih a nih thu a sawi bawk.

Guwahati High Court Judge, Justice Kaushik Goswami pawhin thusawiin, India Danpui thu hma hruai in a a ken tel thu pali – dikna , zalenna, intluk tlanna leh inlungrualna chu ziaka dah duhtawk mai lova a taka kalpui a tul thu sawiin, kalkhawmte chu Dan hmanga tanpui ngai leh retheite chhanchhuah tuma tan la turin a chah a. Mipui banphaka Dan rorelna leh dikna chhawp a tul tih sawiin, rorelna court chu India Danpui tlangnel taka kenkawhna a ni, a ti bawk.

Kan corr report lo ngaithla ang.

British laka India in zalenna a hmuh khan India chuan ama pual Danpui - Constitution siam tur member 299 awmna, Constituent Assembly a din a. Ni 165 chhungin Constituent Assembly chu vawi 11 a thukhawm hman a. Danpui an duante remkhawm leh siamrem hna thawk turin kum 1947 August ni 29 khan Drafting Committee, Dr. B.R. Ambedkar, Father of Indian Constitution tia koh Chairman-na hnuaiah din a ni a. November 26, 1949 a Constituent Assembly thukhawm chuan India Danpui siam chu lungrual takin a pawm ta a. January 26, 1950 khan India Danpui chu hman tan a lo ni ta a ni.

John Vanlalchhuanga Akashvani News Aizawl

<><><>

CM

Core Committee on Thenzawl Peace City te chu an Chairman Pu Lalduhoma, Chief Minister hovin vawiin khan CM Conference Hall-ah an thukhawm a. Thenzawl Peace City huam chhunga Greenfield City proposal siam mek an thlirho.

UD & PA Secy Pu Lalmalsawma Pachuau chuan SASCI ah hian Urban Planning Reforms hnuaiah tinzawn bik neia Greenfield City kalpui theihna component cheng vbc 150 vel hmuh theihna a awm a, inelna atanga hmuh tur a ni. Thenzawl Peace City huam chhunga Tourism leh AH & Vety Department ramte behchhanin he fund hmuh theihna tur Greenfield City proposal hi duan a ni ta a ni, a ti.

Thenzawl Peace City Master Plan siamtu tura thlan IPE Global mithiamten Greenfield City proposal hi a lem nena entirin chipchiar takin an sawifiah a. An ruahmanna siam hi Core Committee hian a pawmsak a, Ministry of Housing & Urban Affairs ah thehluh a ni ang.

<><><>

MAHFED& BBSSL MOU

Mizorama loneituten thlai chi tha zawk an neih theihna atan vawiin khan Mizoram State Agriculture, Horticulture, Forestry and Marketing Cooperative Federation (MAHFED) leh India rama thlai chi pechhuak thin, Bharatiya Beej Sahakari Samiti Ltd (BBSSL) te chuan thawh hona tur thuthlung an ziaik.

He hun hi Cooperation Minister Pu PC Vanlalruata Pisa-ah neih a ni a, thawh hona tur thuthlung ziah inkhawm hi Pu John LT Sanga, Cooperative Society Registrar chuan kaihruiin Pu H. Vanhlupuaia, Managing Director MAHFED Ltd. leh Pu DR. Omveer Singh, Adviser BBSSL ten thawh hona thuthlungah an hming an ziah hnan a ni.

BBSSL hi India ram pumpui a thlai chi buaipui a pechhuak thin National Cooperative Society an ni a, an ni hian MAHFED te chu cooperation society kaltlanga thlan chhuah an nih avangin thlai chi an pe dawn a ni.



SIAHA SORLAR PUMP

Siaha Dist-a Naoatla - I leh Naoatla- II, khua chawmtu tur ni zung chakna hmanga tui lakna chu vawiin khan Naoatlaa Tourist Lodge ah PHED Minister Prof. Lalnilawman a hawng a, Siaha bialtu MLA Dr. K. Beichhua chuan he hun hi a hmanpui a ni.

Prof. Lalnilawma chuan Naoatla - I leh II - ten tui thianghlim an neih nan a bik takin PHED - ten theihtawp an chhuah bakah khawtlang mipuite pawhin an tawiawm tha hle a ti a, tui pump khawl leh tui zem enkawl chu khawtlang kutah thui tak a inngat a, neitu thinlung pu turin a fuih a ni. Prof. Lalnilawma chuan WATSAN Committee - thutkhawm hunah pawh tui bill mumal tak siam a, a thlawn a tui sem mai lo tura chahin, hei hian a chhiat palha siam that kawngah nghawng tha tak a nei ang a ti. Minister chuan tui pump khawl tha tak awm mahse, tui hna a awm lo ang tih a hlauhawm hle tih tarlangin, tui hna humhalh kawngah theihtawp chhuah turin kalkhawmte a chah a ni.

Minister chuan tui in tur thianghlim pek kawngah PHED - ten theihtawp an chhuah zel dawn a, mipuite mamawhna chu tha taka hlen zel tum a ni, a ti. Tui pek chungchangah khawl chhiat vang te, pipe chhiat vang leh thil dang avangin tui pek theih loh chang a awm thin a, hemi kawngah hian mipuite nen inhriatthiam tlan a pawimawh hle a ni, a ti. Minister chuan Strawberry leh Naoatla- ten inzawmna tha tak an nei tih sawiin hei hi hmang tangkaia strawberry hmanga an khua vawrh lar tur pawhin a fuih nghal bawk.



NEWS

Akashvani Aizawl Regional News Unit in Aizawl Hnahthial, Chawngte, Vairengte leh Champhai North atana Part Time Correspondent a lak tur te interview chu Dec ni 3 khian neih a ni dawn a, diltute chu Dec ni 3 chawhma dar 10.30 ah document kimchang nen Office ah thlen kim tur a ni.



AIR NEWS

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve ah Chanchinthar puan leh a ni ang.

<><><>

PM

Prime Minister Narendra Modia chuan vawiin khan Safran Aircraft Engine Services India hmunpui chu Telangana-a Hyderabad-ah internet kaltlangin a hawng. Thusawiin Prime Minister Narendra Modia chuan India chu thlawhnaa khualzin sumdawannaah India chu a thangchak ber pawl anih thu a sawi a. Ram pawn atangin helama sum rawn peipung duh leh thil thar ngaihtuah duhte a lo dawngsawng thei reng tih sawiin Production Linked Incentive -PLI Scheme chuan khawvel ramdanga company te a hip nasa hle a ti a. Pu Modia chuan Safran Aircraft Engine Services chu Indai tana hmasawna ropui tak anih thu sawiin mahni intodelhna kawng pawimawh tak anih thu a sawi.

<><><>